



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1658

§. 168. Dixerunt ergo ad invicem non scindamus eam. v. 24.

urn:nbn:de:hbz:466:1-45556

VErum ò Pater misericordiarum integra maneat benedicta tunica tua
inconsutilis, quo unitas Ecclesiaz inviolabiliter servetur, ne charitas
vera qua tu & Ecclesia uti sponsus & sponsa unum vult s, nunquam labefac-
etur. Stet semper in conspectu tuo, ut non tradatur oblivioni, ambule
coram te ad tuam sanctissimam voluntatem semper a dimplendam, admittit
te illam quotidie in thalamum tuum ad perfectam ibidem semper han-
endam doctrinam, qua proles suas in dies instruat. Amen.

§.168. Dixerunt ergo ad invicem non scindamus eam. v. 24.

1. Timentes, ne facta scissione vestis, ipsa ex toto periret, iudicarunt
esse multo conducibilius non scindere eam, sed fortis mittere ad deter-
minandum cuius integrum.

2. Ob mysterium quia uti dixi, signabat Ecclesiam Christi, quam non
vult scindi Dominus siquidem ut Luc. 11. c. dixit: *Omne regnum in seipsum di-
videndum desolabitur.* Ecclesiam autem suam voluit inexpugnabilem, unde gra-
vissimo scelere se obstringit qui vel se vel alios ab Ecclesia Christi subtilitate
quemadmodum ipse Christus S. Petro Alexandrino ueste lacera appa-
rens, conquestus est de Arrio Diacono Alexandrino hæreleos auctore, di-
cens. Arrius uestem meam, quæ est Ecclesia, dilaceravit.

3. Ad documentum nostrum, ne videlicet nos in ipsa Ecclesia fideles
scindamus mutuam charitatem per quam in Christo coniuncti sumus,
quæque Christum ornat, instar vestimenti, ut ipse insinuat Ioannis 13. *In
hoc cognoscet omnes quia discipuli mei estis si dilectionem habueritis ad invicem.*

O Quam displicentem Deo regn agunt, qui ordines sacros, qui clericos,
qui Catholicos reges & Principes inter se susurriis, oblatione commo-
dorum, spe honorum, honorum & similibus nugis inter se concitant, ut
in amaras cayillationes, oblocutiones & scriptiones irruant, etiam arma
contra se arripiant, & quid tandem hi concitati & belligerantes lucrantur?
vestimentum quod comeditur à tinea. Si tamen vel id ipsum consequantur,
& non fiat eis, quod cani Alopoco, qui umbram carnis sectans, & cat-
nem & umbram hiando amisit. O quam male etiam faciunt, qui redditus
Ecclesiaz, ad ministrorum eius necessitates donatos, alio vertunt militibus
sine autoritate vicarii Christi concedunt, imo qui eos convalescent sibi, &
distribuenda cum aliis soli usurpant, & sic Dei cultum deficientibus mini-
stris extinguunt!

§. 169.